

建康實錄

五

建康實錄

五

建康實錄卷第十二



宋中



太祖文皇帝

太祖文皇帝諱義隆小字車兒武帝第三子也晉義熙三年生於京口十一年封彭城縣公永初元年封宜都郡王鎮西將軍荊州刺史加都督時年十四長七尺五寸博涉經史善隸書是歲來朝會武帝當聽訟乃遣上訊獄囚辯斷稱曰武帝甚悅景平初有黑龍見西方上陰五色雲隨之二年江陵城上有紫雲望氣者以爲帝王之符當在西方其年少帝廢百官議所立徐羨之傅亮等以符所集備法駕奉迎入永皇統立行臺於江陵尚書令傅亮奉表進璽紱州

府佐吏並稱臣請題榜諸門一依宮省上皆不許教
州府國綱紀宥所統內見刑是時司空徐羨之等新
有執害及鑿駕西迎人懷疑懼唯長史王曇首司馬
王華南蠻校尉劉彥之共明朝臣豈有異志帝曰諸
公受遺不容背貳且勞臣舊將內外充滿今兵力足
以制物夫何所疑甲戌乃發江陵命王華知州府留
後事令劉彥之監襄陽車駕在道有黑龍負上所乘
之舟左右失色上謂王曇首曰此乃夏禹所以受天
命我何德以堪之及至都群臣迎拜於新亭先謁初
寧陵次入中堂百官奉璽絨冲讓未受勸請數四乃
從之景平二年秋八月丁酉皇帝即位于太極殿詔

曰朕閉山在疾遭家不造崇基景業將墜于地永懷
太后深鑒安危股肱忠臣協謀同力用集大命于予
一人兢兢憂懼罔識收輿思與萬國享茲惟新其
赦天下改元爲

元嘉元年文武各進位二等逋租宿調一切放免戊
戌追復廬陵王國庚子詔撫軍將軍領護南蠻校尉
武陵公謝晦爲荊州刺史京師精田多割賜之將行
色自矜過辭叔父澹澹問以五日三十有五澹曰
昔荀中郎二十七爲北府都督一萬之老矣晦有慙
色癸亥以徐羨之爲侍中司徒南平公王弘司空建
安公檀道濟征北將軍武陵公傅亮兼騎常侍左光

祿入天開府儀同三司始興公食邑各四千二百辰
封皇第三弟義恭為江夏王第六弟義宣為江陵王
第七弟義季為衡陽王各食邑五千戶丙午徐羨之
遜位不許九月辛酉給彭城王義康謝晦檀道濟鼓
吹各一部丙寅追尊所生胡婕妤曰章皇太后陵曰
熙寧丙子立皇后袁氏冬十一月己丑以王華為侍
中壬戌追贈后父袁湛為侍中左光祿大夫開府儀
同三司是歲大旱置竹林寺

紫寺記元嘉元年外國僧毗舍闍
造又署且下定林寺東去縣城一十

五里僧監造在
蔣山陵里也

二年春正月丁酉朔范泰上疏曰元正改律品物惟
始頃旱魃為虐元陽愆度通川滯流異井同竭故孔

子春秋貶不雨之旨傳曰歷時而天下不雨文公不
憂雨也尋春秋之意察洪範之言王澤不流於四方
伏願推忠恕之仁矜不逮之獄遊心民瘼歷意幽冥
如此則包桑可係危哉無兆而災害自消也故夏桀
引百姓之罪躬湯自萬方之過天高聽卑吉凶在人
修弊俗者難爲民改正字者易爲雅書奏乃棄官如
東陽丙寅徐美之傳述上疏辭書自六禮告終鑽
鏐三改大明佇耀遠近傾慕者不勝書三上帝又辭
羨亮重請曰伏願以宗廟爲重以社稷爲心弘大業以
嗣先軌隆聖慈以增徽烈惠養蒼生情盡於斯帝乃
許之於是徐美之避位歸第齊王詔之因說趨復

攝職美之與高祖有舊識與他學術而局力堅正
沉密少言憂喜不形於色及至輔雅允朝望

裴子野曰昔王鳳雛雖杜欽說而起之終於漢室中
興王氏覆族王族盡矣徐公曾連三家之禍人之多
言鮮有不敗者蓋君子之爲人謀也外審治亂內
定枉直主於忠信不以爲識故其詞寡而利傳道大
而義明急難靜於一朝風流振乎百世豈唯喋喋矜
耳悅色而已哉以韶之交諂於亂惜矣辛未拜郊大
赦天下二月乙巳策秀才于中堂庾子徵戴顓爲國
子博士不就顓父達高尚不仕顓兄勃又隱桐廬山
嘗久病顓慨然曰本謂隨兄得閑非有心語默至於

窮困顯之罪也請行干祿之事以爲藥石之資可乎
求爲海虞令事未行而勃卒顯亦止衡陽王義季鎮
京口常與顯會竹林寺野服鼓琴談宴終日帝聞其
好樂贈正聲一部昔韋玄隱於關中高祖初平姚秦
召之不起及赫連勃勃陷關中召玄父華爲太常徵
玄爲太子中庶子玄出就職勃勃怒曰昔劉公辟之
而不至吾召玄而玄來豈謂吾曹不識出處遂殺之
丁亥加左衛將軍殷景仁爲侍中時同居門下者王
華王曇首劉湛殷景仁皆以爲風力栢幹一時冠冕
內侍之美近世莫及是春有江鷗百許頭集太極殿
堦六月丙午吳郡大風山水湧出五丈殺居人秋八

月甲申以三輔流人出漢中者置扶風馮翊二郡冬
十月乙卯中散大夫徐廣卒廣世篤學為時儒所宗
年過八十猶歲讀五經一遍俗世禮法皆取決焉十
二月戊申蔡廓卒贈太常初劉穆之當朝士畢集唯
謝混郗僧施謝方明蔡廓等數人不至穆之為憾謝
混等既誅蔡廓方明始就穆之並稱於高祖曰鼎才
也廓嘗器其小子謂有已風與親故書曰小兒四歲
器似可不入非類之室不共小人之遊故以興宗為
名興宗為之字也置清園寺東北去縣二里

案塔寺記
謝馬王景

琛為母范氏宋元嘉二年以王坦之祠堂地與比丘尼業首為精舍十五年潘
淑儀施西營地以足之起殿又有七佛殿二間泥素精絕後代希有及者置嚴
林寺西北去縣四十五里元
嘉二年僧招賢二法師造

三年春三月丙寅詔罪徐羨之傅亮謝晦等三人以廢立殺戮事曰廬陵王英秀明遠徽風播發魯衛之寄朝野屬情羨之等暴蔑專求忌賢畏逼今上造貝錦成此無端罔主蒙上橫加流貶矯誣先旨致茲禍害寄以國命而剪若仇讎旬月之間再肆兇毒痛感二靈怨結人鬼自書契已來棄常安忍反易天命未有如斯之甚者也命司寇肅明刑典晦據有上流或不即罪朕親御六師爲其防遏氛霧旣祛庶幾正道思與億兆勵精其理大赦天下帝去秋便命修舟艦以備北征傅亮書與謝晦曰薄伐河朔事猶未已朝野之慮所懼者多謝晦不悟帝召檀道濟使西討王華

以爲不可帝曰道濟從人者也曩非創謀撫而使之
必將無慮遣召羨之亮等入省亮將至謝晦弟暉爲
給事黃門侍郎直門下使人送亮書曰殿中有異處
分亮辭嫂疾暫還遣報羨之羨之乘內人問訊車出
南郭步走新林縊于陶竈舁屍付獄亮至兄迪墓拜
辭告罪追擒廷尉上亦使以詔謂曰以公江陵之誠
當使諸子無恙羨之子喬晦子百世休並賜死囚謝
暉于東宮流亮妻子于建安郡初亮父瑗與郗超善
常見二子焉亮年五歲超使人解衣持去曾無吝色
起曰季乃才流位望逾遠於兄然保卿家業其在迪
也亮早知名才學強贍爲晉給事黃門侍郎直西省

高祖欲以爲東陽郡告其兄迪迪還語亮通夜不寐
既旦入見高祖曰昨承賜教東陽以徇私計然亮本
願附鳳翼攀龍鱗以成宿昔至於飢寒未敢戚感高
祖悅之用爲從事中郎委任文議及貴幸兄迪每誠
之而不即從也

裴子野曰夫萬邦思治故言歸君長豈一夫行其辛
螫彼蒼有情爰惡治而好亂就其無情故用群心所
事以奪天下爲家非常安之道顛覆厥德何世無之
道遭聖可爲高陽之遇賢歸於伊尹蓋前王已然之
規矩後世立事之憲章伊尹之廢太甲廢之也霍光
之廢昌邑去之也事同主異是以殊途自斯已後抑

有百慮晉景則除已之害栢溫即藉已之威提挈自我無辯逆順如徐傅之徒非覬覦者也求其忠順非忘身者也身既未忘不能脫彘權柄誠二君矣何以取信嚴君惡不足信權由震主危已之機疾於激箭高位厚味何其久乎若景平既終奉身及退滅身之禍庶幾可逃夫賢人君子受六尺之孤任尺寸之命推權變臨大節繫乎存存難乎存亡矣追贈廬陵王侍中大將軍謚曰孝獻王丁卯徙驃騎將軍義康爲荊州刺史壬申內外戒嚴閏月乙卯遣中領軍劉彦之北征檀道濟爲前驅西伐帝問策於道濟道濟對曰臣昔與謝晦同從北征入關十策晦有其九謀略

明練殆難與敵然未嘗孤軍決勝恐非所長呂悉晦
智晦悉呂勇今奉主命以討不戰而可擒也江夏太
守程道惠遣報謝晦晦以徐傳誅憂恐與南蠻校尉
何承天計發兵決戰以南蠻司馬周超爲行軍以司
馬庾登爲長史先舉徐傳哀次廢子弟問旣而發軍
旅二三日間得精兵三萬戊申大風折木會稽太守
謝方明卒曾爲南郡至歲暮囚無輕重皆縱歸家與
期三日如期無不至者丙寅以豫章太守鄭鮮之爲
尚書左僕射以范泰爲侍中泰時脚疾賜輦以外殿
庾申帝御舟丙戌以彭城王義康及王弘殷景仁居
守癸亥謝晦發荊州軍容甚偉自江陵至于破冢旌

旗相亞晦撫巡軍憑流歎曰恨不以爲勤王之師造
夏口劉彥之次彭城丁卯竹林監蕭欽反謝晦中兵
叅軍孔延秀戰欽敗績于彭城洲彥之退保隱磯謝
晦至彭城上疏罪王弘弄威權而責帝忘義負德蕭
欽敗而檀道濟次于薄磯謝晦令其黨曰檀公已誅
死及聞道濟來師人皆恐懼戊辰檀到等軍併艦汴
江俄而使風楊帆俱濟謝晦軍莫能戰皆登岸走晦
單舸歸江陵初劉彥之退道濟軍至沙橋爲周超所
破死者過半及晦還退棄衆歸降謝晦與弟姪北走
至延頭戊戌主晦故吏也乃輓晦送京師丙午帝自
蕪湖班師車駕西至丙戌太白晝見癸未斬謝晦于

建康市及弟瞻兄子世基周超等晦有風姿鬚鬚如
畫兄瞻五歲能屬文十歲善言玄理風華黼藻獨步
當時爲給事黃門侍郎見晦勢傾朝廷乃堅籬隔其
庭曰吾不忍見禍之至也先晦而卒夏五月下檀道
濟于獄以沙橋之敗也乙未徙檀道濟爲征南將軍
開府儀同三司江州刺史劉彥之右將軍豫州刺史
已巳使使兼散騎常侍巡行天下將命方國同行封
畿親使刺史二千石等觀長史申述至誠廉詢治體
觀察吏政切求民瘼旌舉操行存問所疾禮俗得失
依周典每事名爲書其條件奏俾朕昭然有如親覽
大夫君子其各悉心敬事無墮乃力其有深謀遠圖